

國方志叢書·華中地方·第八五八號

據

清·黃濬·宋惟駒等纂修
清道光十年刊本

影印

江 西 省

雩都縣志

(一)

成文出版社有限公司印行

重修雩都縣志序

癸未嘉平余來宰雩明年春始
議修志之舉乃屬其事於邑賢
士大夫余時為攷訂論說冀鄭
重厥業稍免駭駭以附立言之府
凡三易而始成邑之故實殆約

累增矣獨於霄之所以名山名邑
其時代所由昉求其說不可得
不得不仍其舊蓋舊志僅以霄
山爲古禱雨處至漢潁陰侯始
立賜以地有是山故名霄都是說
也余若有不釋然者既行邑至北

鄉去雪山不遠岡巒盤鬱中望
見其表復憇葛田古廟讀宋人
碑刻半剝落不可辨詢之土人
以爲此即雪山之神神有三於
昔爲昆季故有大小三雪公之稱
此祀大雪公者余因恍然於山與

邑之所以名與所昉之時代并以
知雩人立廟之故也稽之周禮春
官司巫掌羣巫之政令帥巫而舞
雩率巫而造巫恒疏謂巫恒巫之
有恒者久於其業故造諫其術而
魯端亦謂人而無恒不可作巫是

巫恒固恒於巫其術緣於司巫而
不隸於官國有大事若司巫所
不逮則帥羣巫而造請以求助
焉禮也古者天子雩上帝諸侯
雩境內山川雩地於周先屬吳繼
屬越繼屬楚是三國者生初斷

髮文身華路隘綏嗣皆強兵拓
地儼然一大諸侯列于霄於境
內山川固宜而是大小三霄之者必
昆季皆為巫恒國有旱裁司巫
以羣巫造之彼三霄之者初無官
守之責第恒其巫於鄉即行其

雩於鄉之山之望且境內也山
遂以雩得名迨其死以能禦
蕃捍患有功德於民雖未祭
於社實祀於鄉特姓氏失其傳
而人遂以為山之神夫既為山之
神則何有昆季之稱此亦如句

曲三有茅君世遂以名山属之
耳然則雲之名山非吳即越非越
即楚而楚最好巫故離騷之稱
巫咸巫陽不一而足則尤以昉於
楚者為近是又按周禮小司徒
四縣為都及宗伯之属有都宗

人司馬之屬有都司馬掌治
王子弟及公卿食邑之禮服與
其軍賦是都本周家分采之號
而今時諸侯子弟之封邑亦曰都
故春秋傳謂大都參國之一中五
之小九之一先王之制有然焉之

稍都安知非楚子弟之封邑漢
顯陰繼立縣仍沿其舊名如歟
是則雩都之名昉於周而非昉
於漢已有明徵即山之名雩亦
不得以古概之第獨斷之私
不敢遽謂然耳志既成士大夫

裒然求序余畧申是說存之簡
端終弗闡入於志以昭鄭重之
意若夫志帙浩繁中間攷訂
之或疎論說之或偏多爲駁
有不自知恐無當於立言君子
之採擇余與司其事者與有

責焉奚序

道光六年歲次丙戌小春之吉

賜進士出身

勅授文林郎知雲都縣事

太平黃濬



撰

序

雋之有志自宋令周公頌始其時記載考
核一出侯手迄今數百年乃復得賢侯黃
壺舟先生剝緝而斧藻之夫志果何爲而
任也人謂以備故實吾謂以維風化何也
人之爲善必有所感發興起而後其志堅
其識定志之爲書賢者登之不肖者黜之

人皆思為善以傳來葉愧為惡以羞後人
猶有挽回世教鼓勵人心之意焉故老氏
曰太上下知有之其次化道之其次愧厲
之誠有關於風化之大者也所關如此其
大而顧缺而不修非惟無以備故實而風
化將日頽矣道光三年冬中丞程公議葺
通志先檄修州縣志邑侯鈕公爰集紳士

倡修明年春鈕公去八月向公攝篆乃聘
李君奮霄蕭君琢林劉君六吉協中易君
雲會共為校訂駒以謏陋之學亦得從事
焉未幾黃侯壺舟先生至乃呈於侯侯博
學鴻才浙之名宿也筆削謹嚴論斷精確
時未告竣侯旋調臨川諸邑九年侯復莅
茲土予與劉君六吉重加校訂侯為鑒定

閱數月而志成吾雩人士遂交相歡欣謂
周公頌而後數百年所未有也夫志與史
不同而亦與史相表裏自孔子作春秋而
褒貶寓焉誌雖有褒而無貶而嘉予之中
未始不有責備之意勸懲昭然亦史氏之
遺意也雩自漢唐以來其人物之表著代
不乏人洎我